



zenički privredni **2021** BILTEN

SLUŽBE ZA PRIVREDU I UPRAVLJANJE RAZVOJEM GRADA ZENICA I ZENIČKE RAZVOJNE AGENCIJE ZEDA



NEWSLETTER 1/2021

Prije tri godine, Služba za privredu i upravljanje razvojem Grada Zenice i Zenička razvojna agencija ZEDA počele su putem privrednog biltena, prezentovati najznačajnije realizovane aktivnosti. Tek kada na jednom

mjestu predstavimo neke od aktivnosti koje realizujemo, postajemo svjesni koliko se stvari svakodnevno uradi kako bismo izgradili evropsku Zenicu i doprinijeli njenom kontinuiranom razvoju.

I u 2021. godini ćemo prezentovati najznačajnije aktivnosti koje smo realizovali ili koje su u toku, a u nastavku pročitajte samo dio onoga šta smo uradili u prvih šest mjeseci tekuće godine.



Potpisan Ugovor o partnerstvu između Grada Zenice i Investicijske fondacije IMPAKT

Gradonačelnik Zenice Fuad Kasumović i izvršni direktor Investicijske fondacije IMPAKT Senajid Đozo potpisali su Ugovor o partnerstvu na realizaciji projekta „Impakt Inkubator poslovnih ideja“.

Projekat ima za cilj pružiti podršku postojećim poduzetnicima, kao i podržati osnivanje i rad novih poslovnih subjekata. Grad Zenica sufinansira realizaciju programa sredstvima u iznosu od 25.000 KM.

Gradonačelnik Kasumović je istakao da se rezultati napora Gradske uprave Zenica za poboljšanjem poslovnog ambijenta mogu vidjeti u Poslovnoj zoni Zenica 1, gdje posluje više od 100 privrednih subjekata sa oko 1300 za-



poslenih osoba.

Izvršni direktor Investicijske fondacije IMPAKT Senajid Đozo je naveo da se u Zenici program uspješno realizuje treću godinu zaredom.

Osim 25.000 KM koliko je osigurano za realizaciju programa, fondacija IMPAKT osigurala je i dodatna sredstva za

mentorsku i stručnu podršku.

U sklopu ovog programa u Zenici je prošle godine predstavljeno 15 poslovnih ideja.

Investicijska fondacija IMPAKT i projekat zapošljavanja mladih YEP su uz podršku Vlade Švicarske u periodu od 2018. do 2020. godine podržali preko 200 biznisa u BiH.

ZENICA MEET UP

Zahvaljujući naporima Gradske uprave Zenica, na čijem čelu se nalazi zenički gradonačelnik, gospodin **Fuad Kasumović** i predstavnicima i-platforme kontinuirano se organizuje projekat „**Zenica Meet Up**“ koji na jednom mjestu, putem zoom aplikacije okuplja brojne Zeničane nastanjene širom svijeta.

Građani koji vode porijeklo iz ovog grada, kao i brojni drugi Bosanci i Hercegovci, zadržali su snažne veze sa domovinom i svojim rodним gradom. Stoga je ovo idealna prilika da se učesnici „Meet Up“ – a podsjetite, ili upoznaju sa trenutnom socijalno – političkom situacijom u ovom gradu,

istaknu svoje prijedloge za poboljšanje svakodnevnice svojih sugrađana na određenim poljima, razmisle o potencijalnim investicijama i uopće komuniciraju sa građanima ovog grada koje nisu godinama vidjeli. Grad Zenica već duži niz godina, zahvaljujući razvijenom Odjelu za dijasporu, posjeduje e – registar koji služi kao svojevrsna poveznica Zeničana i Zeničanki nastanjenih u inostranstvu, sa svojim gradom. Zahvaljujući navedenoj platformi, zeničkim iseljenicima, između ostalog, olakšan je pristup određenim dokumentima koji su od prijekog značaja. (e-matičar i e-dijaspora)

Do sada su održana četiri sastanka (u februaru, martu, maju i junu), a u narednom periodu je planiran i peti susret zeničke dijaspore.

Kontinuirani rad i zalaganje, i predstavnika i-platforme i predstavnika Gradske uprave Zenica, rezultirali su iskazivanjem interesa novih učesnika tako da su do sada realizovane aktivnosti u saradnji sa dijasporom koje su u korelaciji sa IT industrijom, zaštiti životne sredine, uvođenjem novog softwera za deponiju, organizacija sportskih aktivnosti, postavka pametnih klupa u gradu Zenica, kao i organizacija Dana dijaspore uz poznati zenički brend Zenica Summer Fest.

ZEDA OKOČALA DVA CIKLUSA 2D I 3D MODELIRANJA / Projekat Digital Design and Manufacturing – DDM



ZEDA je uspješno okončala dva ciklusa edukacija za korištenje specijaliziranih digitalnih programa u okviru realizacije projekta Digital Design and Manufacturing – DDM čime su se uspješno završile sve aktivnosti predviđene projektom.

Prva kompanija kroz programe edukacija za korištenje specijaliziranih digitalnih programa, te kreiranje prilika za studente i nezaposlene za sticanje novih kvalifikacija radi unapređenja konkurentnosti na tržištu rada i lakše zaposlenje. Praktični dio obuke provodio se

Prvi ciklus edukacija realizovan je u periodu od decembra 2020. do marta 2021 na kojem je učestvovalo 16 učesnika, a drugi ciklus je realizovan u periodu od aprila 2021. do juna 2021. godine na kojem je učestvovalo 20 učesnika, čime je završen ovaj projekat.

U julu 2021. godine su uručene diplome za 20 učesnika drugog ciklusa edukacija, a u dva ciklusa edukacija učestvovalo je ukupno 36 učesnika.

Ono što je važno napomenuti jeste da je 3 učesnika ovih edukacija nakon prvog ciklusa edukacija dobilo priliku u nekoliko domaćih preduzeća zahvaljujući novim kompetencijama. Privrednike će Agencija ZEDA obavijestiti i o novih 20 sugrađana koji su stekli nove kompetencije i ovladali tehnikama 2D crtanja i 3D modeliranja.

Ovaj projekat finansirao je USAID WHAM, a ukupna vrijednost projekta iznosi **35.032,92 KM.**



Implementacija ovog projekta je počela u oktobru 2020. godine, a projekat je imao za cilj unapređenje konkurentno-

u preduzećima koji su partneri na projektu RM-LH d.o.o., Domus Arredi d.o.o., Braća Karić d.o.o., Fematall d.o.o. i Glovis d.o.o.

GRAD ZENICA I ZEDA U AKTIVNOSTIMA PROJEKTA PROGIREG

Online konferencija u Torinu o transformacijama zasnovanim na prirodnim rješenjima

ProGireg projekat je došao do pola svoga puta i taj mali jubilej se obilježio virtuelnim obilaskom vodećeg grada u projektu, Torina, sa posebnim naglaskom na transformacije koje je izvršio prirodnim rješenjima. Virtuelni događaj se desio 21. i 22. aprila 2021., a treba naglasiti da Torino uspješno osmišljava i implementira rješenja zasnovana na prirodi u svom inova-

tivnom proGireg Living Lab-u još od 2018. godine.

Torino se uspio transformirati iz industrijskog automobilskog hub-a u inovativni zeleni grad, kroz inicijative koje su išle sa nižih prema višim nivoima vlasti uz pomoć svih značajnijih stakeholdera.

Događaj je učesnike vodio kroz različite lokacije Living Lab-a i njegova rješenja zasnovana na

prirodi, a stručnjaci su pojasnili koji su to izazovi i uspjesi s kojima su se suočavali i sa kojima se i sada suočavaju.

Grad Zenica i Agencija ZEDA dio su međunarodnog konzorcija u sklopu Horizon 2020 programa EU zajedno sa 32 partnera u kojem imaju ulogu aktivnih učesnika kroz prenos iskustava i prakse vodećih gradova projekta.

Grad Zenica i ZEDA na sastanku projektnog tima: „Iskustva po pitanju vlasništva nad zemljištem i pregovaračke prakse oko NBS u evropskim gradovima“

Nakon virtuelnog obilaska Torina i prezentovanja transformacija koje je izvršio prirodnim rješenjima, još jedan događaj u okviru proGireg projekta se dogodio samo nekoliko dana poslije.

U aprilu je održan 13. sastanak projektnog tima ProGireg projekta sa osnovnim fokusom na iskustva partnera po pitanju vlasništva nad zemljištem i pregovaračke prakse oko NBS u evropskim gradovima. Pred-

stavnici Grada Zenice i Agencije ZEDA, kao predstavnici partnera na projektu, uzeli su aktivno učešće.

Sastanak su moderirali predstavnici Urbasofie, dok je prvu prezentaciju održao gospodin Duccio Nello Pecianti, predsjednik Udruženja „Le Mura“ te Iuri Bruni, predstavnik općine Siena (ITA). Oni su sa prisutnima razgovarali o načinima kako ublažiti probleme vlasništva

nad zemljištem, te demonstrirali kako su to oni uradili na vlastitom primjeru.

Drugu prezentaciju je održao gospodin Pietro Elisei, direktor Urbasofie, koji je govorio o uspješno implementiranom projektu koji se borio sa problemom urbanog siromaštva uz pomoć urbane poljoprivrede. Ovaj Projekat je također uveo inovativni NBS kroz MAC projekat u Pozzuoliu (ITA).

ODRŽAN SASTANAK PROJEKTOG TIMA PROGIREG PROJEKTA SA PREDSTAVNICIMA PRATEĆIH GRADOVA


Samo nekoliko dana poslije sastanka projektnog tima ProGireg projekta sa osnovnim fokusom na iskustva partnera po pitanju vlasništva nad zemljištem i pregovaračke prakse oko NBS u evropskim gradovima, u maju 2021. održan je prvi sastanak projektnog tima ProGireg projekta sa predstavnicima Pratećih gradova u projektu, među kojima je i Grad Zenica. Sastanku su prisustvovali predstavnici Grada Zenice i Agencije ZEDA.

Tema sastanka bila je prezentacije Vodiča za urbano planiranje sa posebnim fokusom na prvi blok u okviru Vodiča. Vodič je kreiran sa namjerom da obezbijedi metodologiju repliciranja koja bi bila po-

držka pratećim gradovima u procesu razvoja urbanističkih planova. Krajnji cilj jeste da se uz pomoć svih relevantnih interesnih grupa kreiraju urbanistički planovi koji bi podržali i uključili implementaciju prirodnih rješenja (NBS) na lokalnom nivou.

Cilj projekta je produktivna zelena infrastruktura za postindustrijsku urbanu regeneraciju odnosno definisanje kriterija za održivi urbani razvoj uz implementaciju zelenih i pametnih tehnologija, putem popisa aktivnosti za provedbu na terenu koje su u skladu sa Strategijom razvoja Grada, te s načelima primjene rješenja temeljenih na prirodi – Natural Based Solutions.

Ostali partneri koji sudjeluju



na Projektu su vodeći gradovi: Zagreb, Dortmund i Torino kao i prateći gradovi: Prag, Cluj, Sofija, Pirej, Zenica, Ningbo (Kina), te još 21 institucija koja se bavi tematikom vezanom za cilj Projekta.

ZEDA ZAPOČELA ČETVRTI CIKLUS PROJEKTA „BUDI KREATIVAN I TI!“

U junu 2021. godine ZEDA je započela četvrti ciklus kreativnih radionica projekta „Budi kreativan i TI“. Cilj ovog Projekta je sticanje novih vještina, jačanje kompetencija i ekonomsko osnaživanje žena. Do sada je u Projektu učestvovalo više od 400 učesnica, a u prva tri ciklusa realizovano je 40 kreativnih radionica. Projekat „Budi kreativan i TI“ finansiraju Agencija ZEDA i Grad Zenica.

Ideja ovog Projekta jeste da učesnice koje steknu nove vještine, usavrše hobi i pretvore ga u posao.



ZENIČKA RAZVOJNA AGENCIJA ZEDA
ZEDA



ZAVRŠENA PRAKSA STUDENATA U AGENCIJI ZEDA

U maju i junu 2021. godine, studenti treće godine Politehničkog fakulteta UNZE obavili su praksu u Agenciji ZEDA.

Ovo je aktivnost koja se već nekoliko godina uspješno realizuje i Agencije ZEDA godinama unazad ima odličnu saradnju sa Univerzitetom u Zenici.

Trosedmična praksa u Agenciji ZEDA studentima je omogućila da nauče pravila, procedure, metode, propise, načine, poslovanja, ispitivanja sigurnosti proizvoda, pisanja projekata, generisaja poslovne ideje, značaju marketinške komunikacije, te im je praktično prezentovano ono što su na fakultetu teoretski naučili. – „Ovo je bilo još jedno pozitivno zajedničko iskustvo i sretni smo što smo i ove godine imali priliku studentima pre-



nijeti znanje i iskustvo. Nadamo se da ćemo ovu divnu dugogodišnju saradnju sa studentima nastaviti i u periodu koji slijedi, a i ovaj put želimo naglasiti da nam je uvijek zadovoljstvo raditi sa mladim

ljudima željnim znanja, novog iskustva, sa onima koji su puni entuzijazma i želje za učenjem. Naša vrata su za studente uvijek otvorena i radujemo se i nastavku saradnje“ – poručili su iz Agencije ZEDA



ZEDA I „JONJIĆ ŠPED“ ODRŽALI PREZENTACIJU O UVOZNO-IZVOZNYM PROCEDURAMA ZA ZENIČKE PRIVREDNIKE

POSJETE / AKTIVNOSTI

U junu 2021. godine Agencija ZEDA je u saradnji sa „Jonjić šped“ d.o.o. organizovala prezentaciju pod nazivom „Uvožno-izvozne procedure“ na kojoj su učestvovali brojni privrednici.

Prezentacija je namijenjena privrednicima koji do sada nisu izvozili ili koji imaju poteškoće u razumijevanju pravila i propisa kada je riječ o uvožno-izvoznim procedurama, a učestvovali su i oni koji su do

sada imali iskustva sa uvozom ili izvozom roba, a željeli su saznati informaciju više o ovoj temi od predstavnika preduzeća „Jonjić šped“ d.o.o. koje se dugi niz godina bavi špediterskim uslugama i ima bogato iskustvo u ovoj oblasti.

Ova neiscrpna tema nerijetko zadaje probleme onima koji ne uvoze/izvoze često ili to do sada nisu imali priliku pa smo željeli na ovaj način bar malo približiti im ono o čemu mora-

ju voditi računa, na šta moraju obratiti pažnju, te kome se mogu obratiti.

– „Hvala svim učesnicima na interesovanju i prisustvu prezentaciji, a veliko hvala odličnom timu „Jonjić šped“ d.o.o. koji su našim privrednicima omogućili da razjasne nedoumice, odgovorili na sva pitanja i pojasnili procedure, te iskazali spremnost na saradnju“ – poručili su iz Agencije ZEDA.

U ZENICI TOKOM 2020. GODINE POVEĆAN OTKUP SVJEŽEG KRAVLJEG MLIJEKA

Poljoprivrednicima na području grada Zenice, Gradska uprava na čelu sa gradonačelnikom Fuadom Kasumovićem pruža kontinuiranu pomoć i podršku.

Jedna od mjera koje se provode u tom smislu je i organizovani otkup svježeg kravljeg mlijeka.

Otkup mlijeka vrše registrovani otkupljivači ZIM d.o.o. Zenica, Opća poljoprivredna zadruga ZE-VIS i Poljoprivredna zadruga Lastavica.

Mljekara ZIM d.o.o. Zenica otkupljuje mlijeko s pet otkupnih stanica, a vrši otkup od proizvođača mlijeka s područja Nemilskog, Kočevskog i Babinškog sliva.

Opća poljoprivredna zadruga ZE-VIS ima otkupnu stanicu u



naselju Perin Han i otkupljuje mlijeko poljoprivrednih proizvođača iz Putovića, Mošćanice, Tišine, Klopča, Perinog Hana te dijela Orahovice i Lokvina.

Otkupna stanica Poljoprivredne zadruge Lastavica smještena je u Sebuju i vrši otkup s područja nemilskog, babinškog i kočevskog sliva.

PRODUŽENO RADNO VRIJEME UGOSTITELJSKIH OBJEKATA U ZENICI



Gradonačelnik Zenice Fuad Kasumović potpisao je Zaključak o odobravanju produženja radnog vremena ugostiteljskih objekata na području grada Zenice.

Shodno navedenom Zaključku radno vrijeme ugostiteljskih objekata obuhvaćenih

Odlukom o javnom redu i miru svakim danom može trajati do 02:00 sata, u periodu od 21.05.2021. do 30.09.2021. godine.

Radno vrijeme ugostiteljskih objekata se produžava zbog gubitaka u poslovanju, a koji gubici su nastali kao posljedica

poduzimanja preventivnih mjera u cilju sprječavanja širenja zarazne bolesti uzrokovane koronavirusom (COVID-19) u gradu Zenici.

Cilj odobravanja produženja radnog vremena je stvaranje povoljnijih uslova poslovanja ugostiteljskih objekata.

GRADONAČELNIK KASUMOVIĆ POMOGAO DA OTKUPLJENI VIŠAK POLJOPRIVREDNIH PROIZVODA DOĐE DO KORISNIKA

Nakon što je uvažio inicijativu gradskog vijećnika Semira Husejnovića da se iz Budžeta Grada osiguraju sredstva za otkup viška poljoprivrednih proizvoda, što je naišlo na pozitivne reakcije javnosti, gradonačelnik Zenice, Fuad Kasumović odlučio je obezbijediti i prevoz otkupljenih količina poljoprivrednih proizvoda, pokazavši još jednom da brine o poljoprivrednicima ali i penzionerima i socijalno ugroženim kategorijama kojima će biti donirano preko 120 tona krompira, luka i jabuka. U transportu viška poljoprivrednih proizvoda pomogli su pripad-



nici Profesionalne vatrogasne jedinice Zenica, Dobrovoljnog

vatrogasnog društva Zenica i Gradske uprave.

GRAD ZENICA I AGENCIJA ZEDA ODRŽALI TRENING ZA APLIKANTE MJERE 2 JAVNOG POZIVA ZA DODJELU PODSTICAJNIH SREDSTAVA U OBLASTI PRIVREDE NA PODRUČJU GRADA ZENICE

Početkom maja 2021. godine, tri dana za tri grupe aplikanata održan je trening iz oblasti poduzetništva koji se sastojao od 7 modula (generisanje poslovne ideje, istraživanje tržišta, pisanje poslovnog plana, marketing za mali biznis, finansiranje start-up-a, vještine prodaje i pregovaranja, koraci u registraciji obrta i društva sa ograničenom odgovornošću) i imao za cilj da aplikantima olakšava sam proces apliciranja ali i da im predstavi sve ono što ih očekuje pri početnim koracima.

Trening su izvršili uposlenici Agencije ZEDA, a 60 aplikanata je prošlo trening nakon čeka su aplicirali na Javni poziv Grada Zenice.



Obnovljeni brojni društveni domovi na području grada Zenice

Grad Zenica u okviru svakodnevnih aktivnosti vrši rekonstrukciju, odnosno sanaciju društvenih domova na području grada Zenice.

Do sada su završeni radovi za sljedećim društvenim domovima: Briznik, Ričice, Drivuša, Grm, Kovanići, Pepalari, Gornja Zenica, Gorica, Orahovica i Raspotočje.



Društveni dom	Radovi	Vrijednost radova sa PDV-om
Briznik	<ul style="list-style-type: none"> ▪ mokri čvor ▪ zamjena stropa ▪ zamjena stolarije ▪ izrada fasade 	66.690,00 KM
Ričice	<ul style="list-style-type: none"> ▪ rekonstrukcija krova ▪ sanacija potpornog zida 	11.310,14 KM
Drivuša	<ul style="list-style-type: none"> ▪ zamjena stolarije 	6.984,90 KM
Grm	<ul style="list-style-type: none"> ▪ izrada fasade 	6.920,55 KM
Kovanići	<ul style="list-style-type: none"> ▪ rekonstrukcija krova ▪ zamjena stolarije 	14.379,30 KM
Pepalari	<ul style="list-style-type: none"> ▪ zamjena stolarije ▪ unutrašnji radovi (pod, ograda moleraaj) ▪ izrada fasade 	48.495,33 KM
Gornja Zenica	<ul style="list-style-type: none"> ▪ rekonstrukcija krova ▪ zamjena stolarije 	25.506,00 KM
Gorica	<ul style="list-style-type: none"> ▪ rekonstrukcija krova ▪ zamjena stolarije 	29.618,55 KM
Orahovica	<ul style="list-style-type: none"> ▪ rekonstrukcija krova 	12.378,60 KM
Raspotočje	<ul style="list-style-type: none"> ▪ unutrašnji radovi (zidini, keramičarski, molersko – farbarski radovi) 	8.774,43 KM
Ukupno:		231.057,80 KM

U toku su završni radovi na sanaciji Društvenog doma Donja Gračanica, na rekonstrukciji krova i zamjene fasadne stolarije, za koji su izdvojena sredstva u iznosu od 62.786,88 KM. Za realizaciju ovog velikog

projekta iz Budžeta Grada Zenice izdvojena su sredstva u iznosu od 293.844,68 KM. Radove izvode preduzeća "UNIPROJEKT" komerc inženjering d.o.o. Zenica, Tehno-promet d.o.o. Zenica, In-

ter-com d.o.o. Zenica, Špic beton d.o.o. Zenica, Braća Karić d.o.o. Zenica i Kula Mont d.o.o. Zenica koja su izabrana kao najpovoljniji ponuđači prilikom postupka javne nabavke.

Građevinskim radovima i izgradnjom novih objekata Poslovna zona Zenica 1 dobiva novi izgled

Nakon što su Grad Zenica i Agencija ZEDA proveli brojne različite aktivnosti na uređenju Poslovne zone Zenica 1 i stvaranju povoljnog poslovnog ambijenta (izgradnja saobraćajnica, izgradnja komunalne infrastrukture, rekonstrukcija javne rasvjete, postavljanje videonadzora i signalizacije, hortikulturno uređenje i parcelizacija) investitori su prepoznali Zonu kao odličnu priliku za investiranje i početak ili pak nastavak i proširenje poslovanja. U Zoni posluje više od 100 privrednih subjekata i na taj način Zona postaje mali grad preduzeća.

U proteklom periodu provedeno je 5 parcelizacija koje su imale za cilj da omoguće prodaju neizgrađenog građevinskog zemljišta putem licitacije. To je značilo smanji-



vanje velikih parcela koje su u vlasništvu Grada Zenice i pretvaranje u više manjih parcela koje su pogodne za izgradnju poslovnih objekata MSP.

U posljednje dvije godine, 37 parcela je prodato, a 34 privredna subjekta su postali vlasnici građevinskih parcela. Ovim se stvaraju preduslovi za otvaranje novih preduzeća, proširenje postojećih, te se omogućava otvaranje novih

radnih mjesta.

Prilikom posjete Poslovne zone Zenica 1, mogu se vidjeti brojni građevinski radovi i izgradnja poslovnih objekata. Kamioni, bageri, ravnanje i čišćenje parcela, mikseri, pije-sak, mješalice pokazatelj su da su radovi u toku i da će Zona uskoro imati nove hale, nova radna mjesta, da će dobiti novi izgled i da iz mjeseca u mjesec postaje grad firmi.

UREĐENI PARKING PROSTORI – NOVI KVALITET POSLOVNE ZONE “ZENICA 1”

S ciljem unaprjeđenja infrastrukture i stvaranja što povoljnijeg poslovnog ambijenta Grad Zenica i Zenička razvojna agencija „ZEDA“ nastavljaju realizovati projekte u Poslovnoj zoni „Zenica 1“. U Poslovnoj zoni „Zenica 1“ u funkciji je parking prostor sa blizu 70 mjesta.

Parking je namijenjen za privredne subjekte koji egzistiraju u Zoni i sigurno će doprinijeti poboljšanju bezbjednosti saobraćaja, posebno stacioniranog. U pripremi je prostor sa oko 55 mjesta za parkiranje, a u planu je i treća površina gdje bi osigurali mjesta za veći broj putničkih



automobila.

U protekle dvije i po godine u Poslovnoj zoni „Zenica 1“ izgrađene su nove saobraćajnice, izgrađena i obnovljena

fekalna kanalizacija, uređena plinska i telekomunikacijska infrastruktura, a riješen je i dugogodišnji problem odvodnje oborinskih voda.

GRAD ZENICA POTVRDIO BFC CERTIFIKAT



Verifikaciona komisija u postupku certifikacije gradova/općina sa povoljnim poslovnim okruženjem u jugoistočnoj Evropi - BFC SEE - potvrdila je da Grad Zenica ispunjava kriterije Programa certifikacije gradova i općina sa povoljnim poslovnim okruženjem u jugoistočnoj Evropi u skladu sa standardom BFC SEE Edicija III sa ostvarenih 98.00 od maksimalnih 100 procentnih poena.

Konkretno, za Zenicu to znači da je sredina povoljna za investitore. O tome su gradonačelnika Zenice Fuada Kasumovića informisali iz tehničkog sekretarijata „REDAH-a“. Prema sadržaju dopisa, jasno



je kako je nakon realizovane verifikacijske provjere Gradu Zenici, Regionalni savjet BFC SEE mreže na osnovu izvještaja Verifikacijske komisije donio odluku kojom potvrđuje da Zenica ima status grada sa

povoljnim poslovnim okruženjem u jugoistočnoj Evropi. U skladu sa posljednjom revizijom BFC SEE standarda period važenja certifikata produžen je na tri godine uz dvije godišnje, nadzorne provjere.



JAVNI POZIVI

U periodu od januara do juna 2021. godine Grad Zenica je raspisao brojne Javne pozive koji su se prije svega odnosili na sufinansiranja poljoprivrede i privrede u našem gradu i to:

- II Javni poziv za podnošenje prijedloga projekata za dodjelu bespovratnih sredstava u svrhu podrške inicijativama liderki tokom COVID19 pandemije u okviru WIE projektne aktivnosti

„Liderke u akciji“;

- Javni poziv za dostavljanje prijava za uvođenje inovacija u MSP sa područja grada Zenice;
- Javni poziv za predaju zahtjeva za dodjelu plastenika od 100 m² sa dodatnom opremom putem sufinansiranja;
- Javni poziv za dodjelu podsticajnih sredstava u oblasti privrede za 2021. godinu na području grada Zenice;

- Javni poziv poslovnim bankama za plasman kreditne linije uz subvencionisanje dijela kamatne stope za privredne subjekte koji posluju na području grada Zenice.
- Grad Zenica je za podsticaj poljoprivrede u budžetu za 2021. godinu izdvojio sredstva u iznosu od 570.000,00 KM, dok je za sufinansiranje privrede izdvojeno 300.000,00 KM.

U okviru „Javnog poziva za dodjelu podsticajnih sredstava u oblasti privrede za 2021. godinu na području grada Zenice“ u okviru dvije mjere koje su provedene rezultati su bili sljedeći:

MJERA 1 - Podsticaj razvoja postojećih obrta, mikro, malih i srednjih preduzeća

Od ukupno 76 pristiglih prijava, 53 prijave su zadovoljile formalno-pravne uslove za bodovanje i rangiranje, dok 23 prijave zbog ne ispunjavanja formalno-pravnih i drugi uslova iz Javnog poziva nisu bodovane i ste su odbačene kao neprihvatljive.

Nakon bodovanja utvrđeno je da su ukupno 53 prihvatljive prijave, za 28 prijava će

biti odobrena podsticajna sredstva i to u iznosu od 99.992,57 KM. Sredstva planirana Programom za ovu mjeru iznose 100.000,00 KM.

Od ukupno 28 odobrenih prijava, 13 je registrovano kao d.o.o., a 15 kao obrti.

MJERA 2 - Podsticaj za “Moj prvi biznis u Gradu Zenica – START UP”

Od ukupno 69 pristiglih prijava, 57 prijava je zadovoljilo formalno-pravne uslove za bodovanje i rangiranje, dok 12 prijave zbog neispunjavanja formalno-pravnih i drugi uslova iz Javnog poziva nisu bodovane i ste su odbačene kao neprihvatljive.

Nakon bodovanja utvrđeno

je da ukupno 57 prihvatljivi prijava, za 31 prijavu će biti odobrena podsticajna sredstva i to u iznosu od 100.000,00 KM kako je i planirano Programom.

Od ukupno 31 odobrene prijave, 7 korisnika registrovat će d.o.o., a 24 obrte.

U okviru „Javnog poziva poslovnim bankama za plasman kreditne linije uz subvencionisanje dijela kamatne stope za privredne subjekte koji posluju na području Grada Zenice“ prilikom vrednovanja banke odabrana je BBI Banka d.d. Sarajevo.

Više informacija o rezultatima Javnih poziva predstavljeno je na web stranici www.zenica.ba





Već u sljedećem Newsletteru, predstavimo nove aktivnosti koje ćemo u međuvremenu realizovati, a ovo je bio pregled samo dijela aktivnosti koje su urađene u prvoj polovini tekuće godine. Grad Zenica putem različitih mehanizama, svakodnevno radi na poboljšanju

uslova življenja i poslovanja u Zenici i razvoju Zenice, te njenom evropskom putu. Više informacija o svim aktivnostima Grada Zenice možete pronaći na www.zenica.ba, a sve aktivnosti Agencije ZEDA pratite na www.zeda.ba



IZDAVAČ: Grad Zenica; **PRIPREMA PUBLIKACIJE:** Služba za privredu i upravljanje razvojem i Zenička razvojna agencija ZEDA; **AUTORI TEKSTOVA:** Armin Mujkić, Maida Mujanović, Ajna Dedić, Maša Škrbić; **FOTOGRAFIJE:** Mirza Subašić; **DTP:** Emir Čaplja; **ŠTAMPA:** MeligrafPrint Zenica